

吳
詩
集
覽

吳詩集覽卷十一上

黎城靳榮藩介人

七言律詩一之上

王貽上曰陳卧子七言沈雄瑰麗近代作者未見其比真冠古之才一時瑜亮獨有梅村耳

梅村官本朝時詩以

之其八其九其十滇池鏡吹之其一爲極選蓋

梅村立朝時吳逆之氣燄所謂炙手可

熱者而梅村能直刺其隱至梅村歿後而其言

乃驗卽以代嘉謨入告可也風雲月露猶剩技

矣梅村七律或謂其藻飾太甚然子美秋興

八首已有以此疑之者郝仲輿曰由其材大而

氣厚格高而聲宏如萬石之鐘不能爲偶喁細

響河流萬里那能不千里一曲此足爲子美解

嘲亦足爲梅村起例也惟其集中間有酬應之

作當分別觀之耳 梅村七律格調聲響大畧
相同然集中上駟應推登上方橋至秣陵口號
九首揚州四首壽李太虛四首贈遠左故人六
首滇池鏡吹四首以其聲情并到意思纏綿數
首可合爲一首一首中又自具開闔變化之妙
耳他如追悼夜宿蒙陰刻城曉發登縹緲峯皆
足繼美唐音至和友人走馬二首次劉安邸一
首送曹秋岳四首送朱遂初四首贈袁韞玉四
首聞台州警四首觀蜀鵬啼四首與會
淋漓藻思結合亦是梅村獨造之境

梅村

（鎮洋縣志）梅村在太倉衛東舊爲明吏部郎
王士騏別墅名貴園亦名新莊祭酒吳偉業
拓而新之易今名有樂志堂梅花庵交蘆
庵嬌雪樓鹿樵溪舍橙亭蒼溪亭諸勝

枳籬茅舍掩蒼苔。乞竹分花手自栽。不好詣人貪客過。
懶遲作答愛書來。閒牕聽雨攤詩卷。獨樹看雲上嘯臺。

桑落酒香盧橘美。釣船斜繫草堂開。三四句寫情五六

復○枳籬見閬園序蜀志秦宓傳宓稱疾卧在茅舍蒼

苔見讀佛詩陸務觀詩乞竹寬編養鶴籠庾自直詩

分花曲水香劉文房詩閑居手自栽宋書王微傳不

好詣人北史邢邵傳性好談賞又不能閑獨公事歸休

恒須賓客自伴按第三句暗用之韋端已詩馬嘶朝客

過嵇叔夜絕交書素不便書又不喜作書而人間多

事堆案盈几不相酬答則犯教傷義按第四句翻用之

李正已詩茅山道士寄書來閑窻見觀山水圖歌聽

雨見山齋聽雨杜詩詩卷長留天地間獨樹見贈古

如和尚看雲見虎邱夜集圖儲光羲詩夜夜登嘯臺

後史補河中桑落坊有井每至桑落時取其寒醺得所

以井水釀酒甚佳故號桑落酒舊京人呼爲桑郎蓋語

訛耳上林賦盧橘夏

熟釣船見東萊行

艮齋雜說梅村詩云不好詣人貪客過慣遲作答愛

書來雅人深致實獲我心雖然客過佳矣而叵耐者

良詩集卷之十一上

閑雜之客書來幸矣而難堪者通套之書故子有句
云座上絕無騎馬客案頭只有換鵝書可為梅村進
一解也蔡元長一日無客則病元度一日見客則病
劉穆之自旦至日中應答百函嵇叔夜不喜作書堆
案盈几不相酬答人各有能有不能豈可强
平 教忠堂曰自寫名士風流漸入宋格矣

王烟客招往西田同黃二攝六王太子彥及家舅

氏朱昭芭李爾公賓侯兄弟賞菊 烟客西田子彥
並已見鎮洋縣

志黃翼聖號攝六歷安吉知州乙酉棄官歸隱

見送黃子羽梅村朱昭芭墓誌君諱明鎬昭芭

其字吳郡之太倉人明詩綜昭芭太倉州儒學

生程迓亭曰李爾公兄弟皆崑山人太常之戚

蘇州府志順治十二年進士崑山李

開辦賓侯改名可汧歷官湖廣提學

九秋風物令公香 原註文肅嗜菊此其遺愛 三徑滋培處士莊花似

賜緋兼賜紫。人曾衣白對衣黃。未堪醉酒師彭澤。欲借

食英問首陽。轉眼東籬有何意。莊嚴金色是空王。首句指文

肅次句指烟客三四。是菊是烟客不可復辨也。五六寫

出烟客晚節結句則欲逃禪矣。通篇不脫菊字而用意

高妙與泛填故實者不同。○九秋見閨園詩。韓君平詩

風物淒淒宿雨收。北史高允傳。文成重允。嘗不名之。恒

呼爲令公。令公之號播于四遠矣。李頎詩。風流三接令

公。香明史王錫爵傳。字元馭。大學士。贈太保。謚文肅。

三徑見遣悶。唐書車服志。三品以上紫。五品以上緋。

又李泌傳。著黃者聖人著白者山人。通鑑作衣黃衣

白。按衣白兼用王宏送酒事。晉書陶潛傳。執事者聞

之以爲彭澤令。在縣公田悉今種秫穀。曰令吾常醉于

酒足矣。楚辭夕餐秋菊之落英。轉眼見鴛湖曲。陶

詩采菊東籬下。莊嚴見贈蒼雪注。永經注。漢明帝夢

大人金色。項佩白光。以問羣臣。或對曰。西方有佛形如所夢。空王見咏山茶序。

賞菊詩名作多矣吾于此
兩首尚論其世固有取焉

其二

不扶自直疎還密。已折仍開瘦更妍。最愛蕭齋臨素壁。
好因高燭耀華鈿。坐來艷質同杯泛。老去孤根僅瓦全。

原註蒔者以瓦束土苦向鄰家怨移植。寄人籬下受人憐。起結賦也卽比

也中四句亦有次第○東記三王世家蓬生麻中不扶自直蕭齋見後東臯歌王文考魯靈光殿賦素壁皜

曜以月照蘇詩只恐夜深花睡去故燒高燭照紅粧

庾子慎詩少婦多艷冶花鈿繫石榴唐趙存約詩坐

來驚艷質陸務觀詩瑞茗分成乳泛杯杜詩老去詩

篇渾漫興又灝願既沒孤根深北齊書元景安傳大丈夫

夫寧可玉碎不能瓦全戰國策室不能相和出語鄰

家未爲通計也南齊書張融傳丈夫當刪詩書制禮

樂何至因循寄人籬下
范德機詩富貴翻受憐

和王太常西田雜興韻

嚴滄浪詩話古人酬唱不次韻此風始盛於元白皮

陸本朝諸賢乃以鬪工遂至往復有八九和者儲光羲有田家雜興詩

一卧溪雲相見稀。繫船枯柳叩斜扉。橋通小市魚蝦賤。

水遶孤村烟火微。到處琴書攜自近。驟來賓客看人圍。

畫將松雪花溪卷。補入西田老衲衣。

雅令之作。杜詩一卧滄江驚歲晚。

許仲晦詩溪雲初起日沉閣。

蘇詩繫船枯柳根。隋書

食貨志長吏扣扉而達曙。

韓君平詩橋通小市家林

近。陸魯望幽居賦樵歸而水遶孤村。杜牧之詩人疎

烟火微。琴書見六真歌。

按驟來賓客卽不速之客

意。元史趙孟頫傳自號松雪道人。程迓亭曰花溪在

蘇州閶門內范莊前卽文正公故宅。趙文敏曾作花溪

圖 吳子華詩

西林近衲衣

八首工雅入妙然名園野圃中有前代遺老在故為
可貴非泛填山居故事者也讀之可以想見烟客之
人為

其二

積暑空庭鳥雀稀。泉聲入竹冷巖扉。芒鞋藤杖將迎少。

蠓舍魚莊生事微。病酒客攜茶薺到。

薺音舛

罷棋人簇畫

圖。日斜清簟追凉好。移榻梧陰見解衣。

後半首更入佳景。○顏延

之詩孰知寒暑積。謝靈運詩空庭來鳥雀。張文昌詩烟

深鳥雀稀。

杜牧之詩枕遶泉聲客夢涼。儲光羲詩巖

扉長不開。

芒鞋見贈蒼雪杜詩兼將老藤杖將迎見

碧清湖序。

蠓舍魚莊見送杜敬武杜詩錦官城西生

事微詩小雅傳病酒日醒三國志韋曜傳密賜陳茶
薜以當酒徐幼文詩童收奕罷棋貢仲章詩小市人
家簇杜詩清簾疎簾看奕棋追涼見磬清湖方雄
飛詩暑天移榻就深竹杜詩西掖梧桐樹空留一院陰
解衣見
六真歌

其三

苦竹黃蘆宿火稀。渡頭人歇望歸扉。偶添小閣林巒秀。

漸見歸帆烟靄微。蔬圃草深鳬雁亂。水亭橋沒芰荷圍。

夜涼捲幔深更話。已御秋來白袷衣。中四寫景最佳似

遠○百詩黃蘆苦竹遠宅生宿火見別孚令弟渡頭

見避亂小閣見西田詩林巒見二十五日詩歸帆

見山水圖歌張子壽詩烟靄遠晴川宋延清詩江空潭

靄微北史蕭大圓傳蔬圃居前坐簷而看灌圃杜詩

吳詩集覽卷十一上
五

草深迷市井。杜必簡詩荷芰水亭開孟詩松月生
夜涼孫逖詩捲幔五湖秋深更見遇劉雪舫雪賦御
狐貉之兼衣季義山
詩悵卧新春白袷衣

其四

竹塢花潭過客稀。灌畦纔罷掩松扉。道人石上支頤久。

漁父磯頭欸乃微。潮沒秋田孤鶩遠。閣舍山雨斷虹圍。

亭臯木落黃州夢。江海翩跹一羽衣。中晚妙境似劉文房許仲晦語人

儲光義詩花潭竹嶼傍幽溪杜詩薄暮還灌畦皮襲

美詩松扉欲啓如鳴鶴王詩舊頤問樵客摺一作支

正字通欸乃本作欸乃柳子厚詩欸乃一聲山水綠

按字典云後人因柳集註有一本作襖襖非謂欸乃當音

襖乃爲襖不知彼註自謂別本作襖襖非謂欸乃當音

襖襖也正韻上聲解韻乃音襖而上聲巧韻襖部不收

款去聲泰韻乃音愛而去聲效韻與部不收款至若早
韻收款音窾絕不註明有襖懊二音此可證款不音襖
懊而款之譌作款明矣又乃有靄音無愛音正韻增音
愛非其說起於楊用修謝臯羽詩潮沒潮生蒼鶻起
李詩棄置秋田草滕王閣序落霞與孤鶩齊飛杜必
簡詩日氣含殘雨杜詩山雨尊仍在李詩斷虹天帔垂
柳文暢詩亭臯木葉下宋朱或可談蘇子瞻謫黃州
居州之東坡自號東坡居士後赤壁賦木葉盡脫又夢
一道士又羽衣翩跹

其五

亂後歸來桑柘稀。牽船補屋就柴扉。游魚自見江湖濶。
野雀何知身體微。聽說詩書田父喜。偶談城市醉人圍。
昨朝換去機頭布。已見新縫短後衣。中四用事渾然無迹起結有味外意

○桑柘見西田詩 牽船補屋見高郵道中注范彥龍
 詩有客欵柴扉 陶詩臨水愧游魚莊子魚相忘於江
 湖 歸光義詩嘖嘖野田雀不知軀體微 宋史蘇軾
 傳與田父野老相從溪山間 醉人見鴛湖曲 賈閔
 仙詩背如刀剪機頭錦 法震詩新
 縫鶴縠素莊子說劍筩短後之衣

其六

勝情今日似君稀 鷺立灘頭隱釣扉 屋置茶寮圖陸羽
 軒開畫壁祀探微 蕭齋散帙知航癖 高座談經早解圍
 手植松枝當麈尾 雲林居士水田衣 此首蕭然意遠詩
 品與西田同妙矣
 ○勝情詳訪吳永調 蘇詩鷺立漁船夜雨乾 山堂
 肆考僧茗所曰茶寮國史補竟陵龍蓋寺僧積公於水
 邊得嬰兒育為弟子稍長自筮得蹇之漸繇曰鴻漸於
 陸其羽可用為儀乃姓陸字鴻漸名羽羽嗜茶善品泉

始翊煎茶法著茶經三卷霍國輔詩畫壁感靈迹探微見虞山圖歌蕭齋見後東臯歌王詩散帙理章句莊詩爲人性癖航佳句高座見贈蒼雪談經見蒼公墓晉書列女傳疑之弟獻之嘗與賓客談議辭理將屈道韞遣婢白獻之曰欲爲小郎解圍第七句見閨圍詩明史倪瓚傳自號雲林居士王詩乞飯從香積裁衣學水田楊升菴菰林伐山袈裟一名水田衣

其七

相逢道舊故交稀。偶過鄰翁話掩扉。陶氏先疇思土行。謝家遺緒羨宏微。城中賜第書千卷。祠下豐碑柳十圍。

今日亂離牢落甚。秋風禾黍淚沾衣。此首作感慨語。更記滑稽傳權然。

道故杜彥之詩海內故交稀王詩偶然值鄰叟掩扉見西田詩其三先疇見送子彥南歸晉書陶侃傳字

士行本鄱陽人也吳平徙家廬江之尋陽滕妾數十家
僮千餘珍奇寶貨富於天府書惟子小子嗣守文武
成康遺緒南史謝密傳字宏微謝混以劉毅黨見誅混
妻晉陵公主改適琅邪王練公主雖執意不行而詔與
謝氏離絕公主以混家事委之宏微混仍世宰相一門
兩封田業十餘處僮役千人惟有二女年並數歲宏微
經紀生業事若在公一錢尺帛出入皆有文簿宋武受
命晉陵公主降封東鄉君以混得罪前代東鄉君節義
可嘉聽還謝氏自混亡至是九年而室宇修整倉廩充
盈門徒不異平日田疇墾闢有加於舊東鄉君嘆曰僕
射生平重此一子可謂知人僕射爲不亡矣晉書賀
循傳賜第一區唐書柳宗元傳家有賜書三千卷尚在
善和里舊宅豐碑見讀西臺記晉書桓溫傳行經金
城見所種柳皆已十圍牢落見遇南廂園叟耿漳
詩秋風動禾黍
沾衣見圓圓曲

其八

春曉臺前春思稀。故園蘿薜繞山扉。僮畊十畝桑麻熟。
僧住一龕鐘磬微。題就詩篇纔滿壁。種來松栝已成圍。
而今却向西田老。換石栽花典敝衣。自第六首至此俱似陸劍南集。○陳
嵩伯詩。雞聲春曉上林中。鮑詩。春思亂如麻。張道濟詩。不將蘿薜易簪纓。何仲言詩。向夕敞山扉。十畝桑麻見。壽王鑑明。范致能詩。困眠醒坐一龕多。松栝見。雒陽行。栽花見。再寄三弟。杜詩。朝回日日典春衣。

壽王子彥五十

二十登車侈壯游。軟塵京雒紫驂驄。九成宮體銀鈎就。

〔原註〕善

萬卷樓居玉軸收。

〔原註〕家有樓名萬卷。

縱解撈菰非漫戲。

〔歐體〕

集作卽看哺鰥亦風流。

〔原註〕善

荀與芒屨春山路。故舊相

逢總白頭

從二十起暗寓壽意中四句寫子彥才藝皆壯游之事白頭句回映壯游○世說登車攬

轡有澄清天下之志杜有壯游詩

陸務觀詩東華軟

塵飛撲帽京洛見送龔孝升紫駟見馬草行

一統志

九成宮在鳳翔府麟遊縣西按九成宮隋之仁壽宮也

唐太宗作記命率更令歐陽詢書銀鈎見九友歌

封禪書仙人好樓居玉軸見觀通天法帖晉書陶侃傳

拷捕者牧猪奴哉耳南史王景文傳袁粲見之歎曰

景文非但風流可悅乃哺歆亦復可觀字典噉同啖

筍與兒縹緲峯芒屨見贈願雲師杜詩寂寞春山路

其二

舊業城西二頃田著書聞已續長編兩賢門第知應補

十上才名祇自憐投老漫裁居士服畏人還趣孝廉船

只因梅信歸來晚手植松枝暗記年

此首言子彥老于孝廉也結句帶壽

字意○舊業見閬園詩二頃田見贈陸生史記老子傳強爲我著書長編見呈李太虛按兩賢疑指錫爵衡盛事美談江南李國主選奇表殊才有門第者戰國策說秦王書十上而說不行才名見贈陸生杜詩歸來祇自憐投老見西田詩其四居士服見閬園詩魏文帝詩客子常畏人晉書張憑傳舉孝廉劉恢遣傳教覓張孝廉船按五言律送子彥自註云王以孝廉不仕後因事避吏將入都五六蓋指其事皮襲美詩梅信微侵地障紅天唐新話元裝法師西域取經手摩靈巖寺松曰吾西去汝可西長吾若歸卽東向使弟子知之及去其枝年年西向一年忽向東弟子曰吾師歸矣果然號摩頂松

其三

懶將身世近浮名殘客繇來厭送迎
獨處意非關水石逢人口不識杯鎗
衣帽蘊藉多風貌硯几清嚴見性情

子弟皆賢賓從好似君纔勿媿平生

此下二首子彥倦于遊矣暗承前首

說下壽字在即離之間○浮名見別字令

南史張纘

傳吾不能對何敬客殘客晉書皇甫謐傳

吾送迎不出

門劉希夷詩飛蘿蒙水石

南史陳暄傳何水曹眼

不識杯鐺

北史成淹傳既而勅送衣帟

漢書薛廣德

傳為人溫雅有醞藉采書孔覲傳風貌清嚴

魏文帝與吳質書輪與徐動賓從無聲

張如哉曰獨處二句正說厭殘客故上首云哺醎此

云不識杯鐺也若逢知己則其四之五簋留賓又約

高士

矣

其四

雖云文籍與儒林獨行居然擅古今五簋留賓高士約

百金投客故人心尊羹布列圖書貴花木蕭疎池館深

晚向鹿門思采藥漢濱漁父其浮沉

此非梅村用意之作起句似弱○文

籍見贈馮訥生史記有儒林傳

後漢書有獨行傳

按五簋蓋本於易之二簋用享詩之每食四簋也駱賓

王詩陳遵投轄正留賓莊子今一朝而得百金尊

羹見九友歌圖書見六真歌序蕭疎見礬清湖序池

館見哭志衍第七句見襄陽注後漢書荀爽傳隱

於海上又南遁漢濱積十餘年漁父莊子篇名浮沉見

讀史雜

詩其三

姜如須從越中寄詩次韻

程迂亭曰明史堦傳云阮大鍼得志滋欲殺堦

甚堦變姓名逃之寧波國亡乃解其

從越中寄詩謂自寧波寄詩來也

漂泊江湖魯兩生亂離牢落暮雲平秦餘祀日刊黃縣

越絕編年紀赤城南菊逢人懷故國西牕聽雨話陪京

不堪兄弟頻回首落木蕭蕭非世情

秦餘祀日指如須山東故里越絕編

年言如須越中著述也明史諸王傳附魯監國以海此詩蓋引其事○漂泊見避亂其二魯兩生見讀史雜詩

牢落見遇南庖園叟王詩千里暮雲平孟詩人物

是秦餘祀日見東萊行左傳宣七年秦置黃縣史記秦

始皇紀二十八年始皇東行郡縣乃並勃海以東過黃

縣窮成山登之罘一統志黃縣故城在登州府黃縣東

南越絕見讀史雜感公羊傳春秋編年四時具然後

爲年赤城見壽王鑑明杜詩南菊再逢人卧病季

義山詩何當其剪西窓燭却話巴山夜雨時南都賦陪

京之南居漢之陽嵇叔夜絕交書有必不堪者七

杜詩無邊落木蕭蕭

下陶詩遠我遺世情

如須越中原韻未詳按明詩綜如須寄吳學士二首

飄飄揚白花溶溶大江水分衢旣阻修良人隔萬里

妾身如飛蓬貞潔聊自矢朝立青雲端暮倚朱樓裏

四顧多徬徨塵沙蔽野起梧桐摧爲薪蘭蕙化爲枳

中夜坐長嘆皓首思君子楚山有良璞昆池有奇琛
投之非其主誰能明我心掩袖向前浦驅車出丹岑
延頸蓬島上白日忽以沉北首瞻行旅邊雨正浸淫
念我平生交淚下沾衣襟按梅村赴召在順治十
年如須已前卒故梅村過姜如農詩云哭弟在途窮
自注如須避地没于吳下也如須二詩皆自悲而非
送吳良人隔萬里指思陵投之非其主指由崧若以
北首行旅爲梅村被召則如須前卒無從寄詩矣

言懷

苦留蹤跡住塵寰學道無成且閉關只爲魯連寧蹈海
誰云介子不焚山枯桐半死心還直斷石經移薛白斑

欲就君平問消息風波幾得釣船還

三四用意○苦留見圓圓曲蘇詩仲

氏新得道一漚目塵寰

王詩

中歲頗好道又歸來且

閉關

魯連蹈海見東萊行

列仙傳介子推者姓王

名光晉人也焚山見退谷歌〔枚叔七發龍門之相其根半死半生〕杜詩扶桑西枝封斷石獨孤至之詩酒壚苦蘇斑〔李詩〕不必問君平
風波見鴛湖曲釣船見東萊行

周五子似讀書愛客白擲劇飲又善音律好方伎

爲此詩以啁之

〔北齊書〕元文遙傳白擲劇飲亦天性所得〔史記〕倉公傳方技所長

及所能治病者具悉而對字典〔技通作伎〕
〔漢書〕東方朔傳注師古曰啁與嘲同

大隱先生賦索居比來詩酒復何如馬融絳帳仍吹笛

劉向黃金止讀書窮賴文章供飲博興因賓客賣田廬

莫臨廣武頻長嘆醉後疎狂病未除

〔看中四句銷納題面處〕王康琚詩

小隱隱林藪大隱隱朝市〔禮〕吾離羣而索居絳帳見贈馬訥生〔後漢書〕馬融傳好吹笛漢書劉向傳字子

政本名更生淮南有枕中鴻寶苑秘書書言神仙使鬼
物爲金之術而更生父德武帝時治淮南獄得其書更
生幼而誦讀以爲奇獻之言黃金可成五代史楚世
家馬殷子十餘人飲博謹呼漢書疏廣傳顧自有舊
田廬晉書阮籍傳嘗登廣武觀楚漢戰處嘆曰時無
英雄使豎子成名漢書蓋寬饒傳無多酌我我迺酒
狂白詩陳狂屬年少采史五行志
咸平六年改元肆救民病悉除

同許九曰顧伊人洞庭山館聽雨

按蘇州有洞庭
東山西洞庭山

然古洞書卷用洞庭山記闔閭使靈威丈人尋
洞內石九上有素書三卷蓋指西洞庭山耳章

應物詩山

館夜聽雨

曉閣登臨意渺然蘆花蕭瑟五湖天雲深古洞藏書卷

木落空山奏管絃魚市有租堪載酒橋官無俸且高眠

莫愁一夜西牕雨笠澤烟波好放船

起句是洞庭山館結句聽雨第三四

句皆咏闔閭夫差古蹟蓋雲深之古洞曾藏書卷木落

之空山曾奏管絃猶云回首可憐歌舞地耳非梅村干

聽雨之時又奏管絃也○渺然見送沈旭輪湖天見

王文恪墓古洞藏書見林屋洞楊處道詩空山正

落花管絃見山茶花白詩艇子收魚市載酒見清風

使節圖橘官見橘耿漳詩高眠遠岫微第七句見

次姜如須韻笠澤見送何省齋烟波見朱氏畫樓序放船見鴛湖曲

過甫里謁願公因遇雲門具和尚

甫里見贈徐子能按願公願

雲也具和尚具德

也見贈願雲師

晴湖百頃寺門橋梵唱魚龍影動搖三要宗風標漢月

原註具公之師

四明春雪送江湖

原註具公越人

高原落木天

同論三元三要

邊斷獨夜寒鐘句裏銷布襪青鞋故山去扁舟蘆荻冷

蕭蕭原註時應佛日請將行從過南里謁願公起三

故後一首只代具師答也○賈圖仙詩晴湖勝鏡碧百

頃見避亂崔國輔詩寺門清且涼魏書釋老志梵唱

畧音連簷接響魚龍見打水詞杜詩三峽星河影動搖

梅村具德和尚塔銘三峰漢月藏禪師則其所從記

荊授以臨濟一宗者也蘇州府志法藏字於客號漢月

無錫蘇氏子十五薙度神者來告有四十悟道六十歸

空之懸記捫虱新話宗門建立要須一句具三元一元

中具三要一統志四明山在寧波府鄞縣西南道書

以爲第九洞天名丹山赤水之天周圍八百餘里綿亘

府之奉化慈溪鄞縣紹興之餘姚上虞嵊縣台州之寧

海諸境又姚江在餘姚縣治南東入寧波府慈谿縣界

爲慈谿江高原見贈穆大苑先王仲宣詩獨夜不

能寐六一詩話唐人詩夜半鐘聲到客船甚佳但夜半

非撞鐘時按南史邱仲浮讀書嘗以中宵鐘聲爲限則

是半夜鐘矣 青鞋布襪見六真歌注故

山兄復 劉夢得詩故壘蕭蕭蘆荻秋

代具師答贈

微言將絕在江南一杖穿雲過石龕早得此賢開講席

便圖作佛住精藍松枝豎義無人會貝葉翻經好共參

塵尾執來三十載相逢誰似使君談句句用典故自清

○晉書樂廣傳自昔諸賢既沒恐微言將絕蘇詩曳

杖不知巖谷深穿雲但覺衣裘重蘇詩公詩石龕蒼蒼

積阿含經此賢者可共說不可共說講席見曇陽觀

圖作佛見六真歌精藍見咏山茶花松枝塵尾見

閨園詩文心雕龍揄揚以發藻汪洋以樹義唐韻徐鉉

日樹之言監也張文昌詩翻經依貝葉使君見虞

圖山

與友人譚遺事

曾侍驪山清道塵六師講武小平津雲旄大纛星辰動

天策中權虎豹陳一自羽書飛紫塞長教鉦鼓恨黃巾

孤臣流涕青門外徒使田橫客笑人前半首譚遺事之盛然用曾侍字貫

下實處皆虛後半首譚遺事之衰結到自已身上正與

曾字相應○杜詩曾侍驪山清路塵講武見海戶曲

按小平津出袁紹傳李詩承恩借獵小平津七命建

雲髦啓雄芒注雲髦雲旄竿上旄旄也髦與旄古字通

明史儀衛志北斗旗一纛一居前豹尾一居後更記五

帝紀旁羅日月星辰水波土石金玉通典唐武德初

高祖以秦王功殊今古乃特置天策上將軍以拜焉明

史職官志有天策衛親軍指揮使左傳宣十二年中權

後勁註中軍制謀精兵爲殿明史儀衛志虎豹各二馴

象六分左右羽書見臨江叅軍紫塞見雁門尚書行

漢書東方朔傳戰陣之具鉦鼓之教黃巾見雒陽行
青門見青門曲通鑑綱目南北朝齊于琳之勸陸
超之逃亡超之曰吾若逃亡非惟
孤晉安之眷亦恐田橫客笑人

追悼

秋風蕭索響空幃酒醒更殘淚滿衣辛苦共嘗偏早去
亂離知否得同歸君親有媿吾還在生死無端事總非

最是傷心看穉女一窓燈火照鳴機

題用追字便與初悼者不同三句是

悼字正面四句兼寫自己五六專就自己說結到穉女

意又諄摯通首寫得追字出非通用語也○蕭索見沈

象園李詢詩入窓明月鑒空幃陸務觀詩三更酒醒

殘燈在淚滿衣見海戶曲辛苦見寄陳直方李易

安詞知否知否詩迨及公子同歸父百歲之後歸于其

居杜詩有愧百年身又亂後嗟吾在史記田單傳

如環之無端 謝元暉樂府

佳期期未歸望望下鳴機

謁范少伯祠

原註在金明寺中有陶朱公里四字少伯陶朱并見蔡清湖嘉興府

志金明教寺在府治西南二里相傳范蠡故宅有范蠡祠祠前卽范蠡湖

艤棹滄江學釣漁五湖何必計然書山川禹穴思文種

烽火蘇臺弔伍胥

集作胥臺今從篋衍集

浪擲紅顏終是恨拜辭

烏喙待何如却嗟愛子猶難免霸越平吳事總虛

首句從浮

于五湖說全篇則隱括范傳也二三四五六七各用一人伴說何必總虛相爲呼應○廣韻艤與機同整舟向

岸唐韻棹同櫂滄江見讀西臺記

漢書貨殖傳范蠡

嘆曰計然之策十用其五而得意旣以施國吾欲施之家廼乘扁舟浮江湖更記貨殖傳勾踐困于會稽乃用范蠡計然唐書藝文志范子計然十五卷范子問計然

答也 禹穴見閬園序吳越春秋大夫種者國之梁棟
烽火見閬園州行蘇州府志姑蘇臺一名胥臺在橫山
西北麓始蘇山上曰知錄吳越春秋吳王夫差十三年
將與齊戰道出胥門因過姑胥之臺越絕書吳王起姑
胥之臺五年乃成史記伍被對淮南王言見麋鹿遊姑
蘇之臺古胥蘇二字多通用左傳注伍員字子胥紅
顏見圓圓曲指西子也吳越春秋蠡復為書遺種曰
越王為人長頸烏喙不可以共晏樂蠡辭于王史記
句踐世家宋公居陶生少子及壯而宋公中男殺人囚
于楚乃裝黃金千鎰且遣其少子朱公長男固請欲行
朱公不聽長男欲自殺朱公不得已而遣長子竟持其
弟喪歸朱公獨笑曰前日吾所為欲遣少子固為其能
棄財故也而長者不能故卒以殺其弟事之
理也史記仲尼弟子傳破吳強晉而霸越

題登封兩烈婦并梧遺恨詩

原註焦太僕孫婦楊氏牛氏一統志登

封縣在河南府東南一百二十里梅村登封三
節婦傳周氏者太僕寺少卿與嵩公次子文學

仲榮之妻也楊氏者焦君陽長之婦周藩儀賓
四聰公之女也嘗手列女傳一編與妣牛氏講
貫義旨登封旣園急乃約牛氏同死指梧下井
曰此吾兩人畢命處也嗚呼若兩烈婦者誠無
愧于其姑矣河南府志焦子春登封人嘉靖乙
丑進士歷太僕少卿又孝義志楊氏生員焦復
亨妻牛氏生員焦謙亨妻同日死烈梧井施愚
山梧井篇序癸未寇陷登封諸生焦陽長妻楊
其弟之妻牛並投梧下井以
死焦追悼有梧井遺恨篇

少室山頭二女峰斷猿哀雁暮雲重早題蘚石留貞史

却寫椒漿事禮宗恨血千年埋慘澹寒泉三尺照從容

碧梧夜落秋堦冷環珮歸來聽曉鐘首句從登封籠起全題三四兩烈婦

五六井梧遺恨結句深窈兼與起處相應○少室見石
谷圖歌楊炯詩思逐斷猿哀沈雲卿詩霜濃候雁哀

暮雲見呈李太虛僧清洪詩待月伴雲眠薛石楚

辭奠桂酒兮椒漿後漢書列女傳皇甫規妻者規卒董

卓欲聘之不從罵卓卓怒鞭撲交下遂遇害後人圖畫

之號曰禮宗恨血見雁門尚書行慘澹見礬清湖

韓咏井詩寒泉百尺空看影杜詩碧梧棲老鳳凰枝

白詩秋階日上多杜詩環珮空歸月夜魂戴幼公詩

相留畏

曉鐘

按寫有書寫之義又有傾寫之義周禮地官稻人掌稼下地以澮寫水是也又有摹寫之義史記秦始皇

紀秦每破諸侯寫放其宮室作之咸

陽是也此詩第四句從傾寫為長

鴛湖感舊

予曾過吳來之竹亭湖墅出家樂張飲後來之

以事見法重游感賦此詩

感舊見遇南廂園叟蘇州府志崇禎七

年甲戌進士吳江吳昌時來之吏部郎中按明
史以爲嘉興人見駕湖曲梅村張南垣傳其所
爲園則吳吏部之竹亭爲最著張仲舉詩船
頭載家樂張飲見九峯歌向子期思舊賦序
嵇康呂安各
以事見法

落日晴湖放楫迴故人曾此共登臺風流頓盡溪山改

富貴何常簫管哀燕去妓堂荒蔓合雨侵鈴閣野棠開

停橈却望烟深處記得當年載酒來此當與駕湖曲同
時作首尾切定湖

字杜詩落日放船好晴湖見過甫里放楫見磬清湖

登臺見呈李太虛風流盡見哭志衍溪山見避亂

唐書呂才傳此名位不常何也阮詩簫管有遺音梁

王安在哉妓堂見老妓行陸務觀詩雨餘荒蔓上頽

垣晉書羊祜傳鈴閣之下許仲晦詩行殿有基荒薺

合寢園無主野棠開陳伯玉詩停橈問土風載酒

上

見清風
使節圖

按王肱枕蚓菴瑣語吳昌時官吏部大營甲第侵越比隣曾生基地以築垣曾生往爭之昌時漫云垣在爾基卽爾垣矣何必爭竟不讓還後吳羅法棄市房亦尋遭回祿家業凌替而是垣今果歸曾氏嗚呼生存華屋處零落歸山邱觀此首及鴛湖曲蓋不勝高臺曲池之感矣來之復社名士而未能免俗重爲蚓菴所譏可嘆也

武林謁同門張石平

原註河南人官榷儲觀察武林兒送杜于皇古詩昔我

同門友一統志浙江督糧道駐杭州府河南通志辛未進士張天機蘭陽人官叅議

湖山曉口鳴笳吹楊柳春風駐羽幢二室才名官萬石
兩河財賦導三江舊游笑我連珠勒多難逢君倒玉缸

十載弟兄無限意夜深聽雨話西牕

起二句是武林觀
察三句切河南四

句切糧儲後半是謁同門意○韓詩旗穿曉日雲霞雜
笳吹見送何省齋陳伯玉詩楊柳春風生朱子詩脩

脩列羽幢

按二室謂太室少室也才名見壽龔芝麓

吏記萬石君傳名奮姓石氏唐書食貨志兩河中夏

貢賦之地又予之富饒之地以辦財賦導江出禹貢三

江見林屋洞舊遊見虎邱夜集圖王詩玉弣角弓珠

勒馬多難見送王子彦岑參詩花撲玉缸春酒香

唐文宗詩憑高何限意聽雨話西牕見次姜如須韻

登數峯閣禮浙中死事六君子

原註鴻寶倪公茗
柯凌公巢軒周公

四名施公磊齋吳公賓曰陳公西湖志廣化

寺在孤山之南舊名孤山寺歲久傾圯崇禎甲

申杭人卽其外建數峯閣錢塘縣志數峰閣在

六一泉寺門祀鴻寶倪公元璫茗柯凌公義渠

巢軒周公鳳翔四名施公邦耀磊齋吳公麟徵

賓曰陳公良謨旁爲先覺堂以祀鄉先達死事

見哭志衍明史倪元璫傳字玉汝上虞人戶部尚書兼侍讀學士李自成陷京師自縊而死
又凌義渠傳字駿甫烏程人爲大理卿賊犯都城自繫奮身絕吭而死又周鳳翔傳字儀伯浙江山陰人歷中允諭德京師陷題詩壁間自經
又施邦耀傳字爾韜餘姚人左副都御史城陷命家人市信石雜燒酒即途中服之血迸裂而卒又吳麟徵傳字聖生海鹽人吏科都給事中城陷遂自經又陳良謨傳字士亮鄞人御史城陷自縊死

四山風急萬松秋遺廟西冷枕碧流故國衣冠懷舊友

孤忠日月表層樓赤虹劍血埋燕市白馬銀濤走越州

盛事若修陪祀典漢家園寢在昭邱

從數峯閣起三四寫禮字意五句是

六君子殉義處六句是六君子故里也結到鍾山波瀾壯潤○陸務觀詩四山沉沉萬籟寂風急見避亂蘇詩

萬松嶺上黃千葉遺廟西泠見送胡彥遠李詩惟見
碧流水王詩萬國衣冠拜冕旒宋史韓琦曰如琦
孤忠每賴神道相助翟亭伯七依飛閣層樓舌今註
貫白虹劍名史記刺客傳荆軻嗜酒日與狗屠及高漸
離飲于燕市白馬銀濤見送徐次桓注隋書地理志
會稽郡大業初置越州東坡謝表衣冠或以爲盛事
配祀明堂出易疏援唐書德宗紀貞元元年八月襲封
配享功臣子孫配享卽陪祀也園寢見後東臯歌昭
邱見永

和宮詞

陳青雷以半圓索題走筆戲贈

程迓亭曰陳震生字青雷崇禎癸未

進士居半圓白有醉後走筆酬劉五主簿詩張正言有戲贈杜侍御詩

半間茅屋半牀書半賦閑游半索居
領略溪山應不盡
平分風月復何如
黠癡互有纔忘世
廉讓中間好結廬

自是圖全非易事與君隨意狎樵漁

此所謂走筆戲贈也句句有半字在

內○傳燈錄千峯頂上一間屋老僧半間雲半間茅屋

見海戶曲予山小園賦落葉半牀季有中詩閒游恣

逸情索居見啁周子俶黃魯直詩領略古法生新奇

平分見分水龍王廟梁書徐勉傳今夕止可談風月

不宜及公事晉書顧愷之傳初愷之在桓溫府常云

愷之體中癡點各半論衡政之適也人相忘于世南

史胡諧之傳臣所居廉讓之間結廬見題河渚圖

晉書載記贊匿智圖全杜詩萬里狎樵漁

吳詩集覽卷十一下

七言律詩一之下

題西泠閨詠 并序

石城卞君者系出田居隱偕蠶室巖子著同聲
之賦元文詠嬌女之篇辭旨幽閑才情明慧寫
柔思於却扇選麗句以當窓足使蘇蕙扶輪左

芬失步矣

西泠見河渚圖 石城見哭志衍

齊書卞彬傳自稱卞田居婦爲傅蠶

室按左傳

二十四年與女偕隱

圖繪寶鑑吳岩子太平人詩文甚

富畫性寫意山水書工草楷戊巳間曾寓西湖
諸名宿與之唱和樂府解題同聲歌漢張衡所

作也言婦人幸充閨房願勉供婦職以喻臣子之事君也徐電發鈞續本事詩金陵閨秀卞元文名夢珏能詩後適廣陵劉孝廉師峻其母曰吳曦子名山太平人縣丞卞琳配詩文甚富兼工書法左太冲詩吾家有嬌女詩關雎傳是幽閒貞專之善女明慧見永和宮詞子山爲上黃侯世子與婦書分杯帳裏却扇牀前通鑑中宗戲竇從一以老乳母王氏嫁之令從一誦却扇詩數首注唐人成婚之夕有催妝詩却扇詩杜詩清辭麗句必爲隣當窻見送周子俶晉書列女傳竇滔妻蘇氏始平人也名蕙字若蘭善屬文滔苻堅時爲秦州刺史被徙流沙蘇氏思之織錦爲迴文旋圖詩以贈滔宛轉循環以讀之詞甚悽惋凡八百四十字子山趙國公集序大雅扶輪小山承蓋晉書后妃傳左貴嬪名芬少好學善綴文名亞于兄思莊子失其故里秦淮早駕木蘭之檝僑居明聖重故步

來油壁之車風景依然湖山非故趙明誠金石
之錄卷軸亡存蔡中郎薨白之詞紙筆猶在予
覽其篇什擷彼風華體寄七言詩成四律愧非
劉柳聞白雪之歌謬學徐陵敘玉臺之咏云爾
秦淮見王京墓三輔黃圖昭帝時以文梓爲
船木蘭爲柁李詩木蘭之柁沙棠丹字典旅
寓曰僑居按明聖湖卽西湖錢塘記明聖湖在
縣南三里油壁車見青門曲世說風景不
殊舉目有江山之異宋史藝文志趙明誠金
石錄三十卷通考明誠宰相挺之子其妻易安
居士李氏爲作後序卷軸見壽王鑑明中
郎見又咏古世說魏武與楊修嘗過曹娥碑下
碑背有黃絹幼婦外孫壘白八字修曰壘白受
辛也于字爲辭所謂絕妙好辭也丹鉛錄引世

說註曹娥碑在會稽而魏武楊修未嘗過江俟考南史劉溉傳舉動風華善于應答晉書

王凝之妻謝氏傳字道韞奕之女也嫠居會稽家中莫不嚴肅太守劉柳聞其名請與談議道韞素知柳名亦不自阻乃簪髻素褥坐于帳中柳束修整帶造于別榻柳退而歎曰實頃所未見瞻察言氣使人心形俱服按白雪借宋玉答問兼用道韞詠雪事詳第四首注南史徐陵傳字孝穆隋書經籍志玉臺新咏十卷徐陵撰

落日輕風雁影斜蜀牋書字報秦嘉絳紗弟子稱都講

碧玉才人本內家神女新詞填杜若如來半偈繡蓮花

粧成小閣熏香坐不向城南關鈿車

此四首做玉溪生體而第一首尚露

梅村本色寫閨字處多寫咏字處少結句見巖子身分張如哉曰第一首指巖子故有報秦嘉語下三首兼詠

元文當是元文未歸劉孝廉時○雁影見海戶曲
博物志元稹使蜀營妓薛濤造十色彩箋以寄宋史吳
越世家蜀賤盈丈玉臺新詠漢秦嘉字士會隴西人爲
郡上計掾其妻徐淑寢疾還不獲面別贈詩三章妻亦
答詩 絳紗見贈馮訥生注後漢書侯霸傳師事九江
太守房元治穀梁春秋爲元都講 庾詩定知劉碧玉
偷嫁汝南王才人內家見永和宮詞 宋玉有神女賦
填詞見琵琶行楚辭山中人兮芳杜若 如來見鐵獅
歌半偈見得願雲書張如哉曰此句暗用長齋繡佛事
華嚴經蓮花世界是盧舍那佛成道之國 王詩拈成
只是薰香坐小閣見西田詩 城南見
琵琶行杜牧之詩繡鞅瓏璁走鈿車

王貽上觀吳巖子書扇詩統扇疑香小字斜似同金
梳寄秦嘉景陽宮畔文君井明聖湖頭道韞家繡閣
新詞名漱玉朱絲妙格字簪花烟波風雨錢塘路望
斷西陵油壁車龔孝升至白下吳巖子以詩見貽展
玩之餘輒爲遥和兼送其卜居湖上送春猶及柳絲
風杜宇情多繞故宮草長六橋香欲去花飛三月夢

初逢青溪烟雨知何代後庭玉樹紛難再啼鳥應改
 舊朱樓當年人影雙雙在萬事飄零豈自由鴟羹一
 艇還綢繆博山簾捲開芳咏無數紅蘭正竝頭九天
 咳唾明珠墜玉鈎敲醒鸚哥醉聞閣文章事已奇江
 山輓畫家如寄千秋逸韻落晴湖廡下何須
 更饒吳為著風流高士傳敢題金粉麗人圖

其二

晴樓初日照芙蕖姑射仙人賦子虛紫府高閑詩博士
 青山遺逸女尚書賣珠補屋花應滿刻燭成篇錦不如
 自寫雒神題小像一簾秋水鏡湖居
 此首寫咏字為多
 高朗入妙○杜牧
 之詩晴樓入野烟常建詩初日照高林子建洛神賦皎
 如太陽升朝霞灼若芙蕖出綠波莊子藐姑射之山
 有神人居焉又選子虛賦註相如遊梁乃著子虛賦
 十洲記青邱有風山山恒震聲有紫府宮天真仙女遊

于此地蘇詩數行誰似高閑魏志甄皇后傳注后年九
歲喜言視字輒識數用諸兄筆硯兄謂后言汝當習女
工用書爲學當作女博士耶唐詩紀事文宗好五言自
制品格多同蕭代而古調清峻嘗欲置詩博士北史
潘徽傳事多遺逸魏畧明帝選女子知書可付信者六
人以爲女尚書典省外奏事杜詩侍婢賣珠回牽羅
補茅屋南史王僧孺傳竟陵王子良嘗夜集學士刻
燭爲詩四韻者則刻一寸以此爲率雜神賦序臣聞
河雒之神名曰處妃然則君王之所見也母乃是乎小
像詳長平輓詩韓持國詩一簾花雨白黃昏秋水莊
子篇名鏡湖見送田髯淵

王貽上觀卞篆生書扇詩雙峯南北盡紅蕖畫靜瓊
閨敞碧虛鸚鵡雕籠初教賦櫻桃小閣獨攤書名篇
結密知難並諸妹天人總未如若許他年尋白社丹
青簾外藕花居自注扇有白社丹青之句張如哉曰
貽上題書扇詩俱次梅村原韻此首云卞篆生未知
篆生卽元文別字否諸妹天人或元文之姊妹行歟

其三

五銖衣怯鳳皇雛珠玉爲心冰雪膚綠屨侍兒春被襖
紅牙小妹夜擣蒲瓊牕日暖櫻桃賦粉筆風輕蛺蝶圖

頻歛翠蛾人不識自將書札問麻姑

咏字于點染處得之與第一首同妙

不沾煞○傳異志貞觀中岑文本于山頂避暑有叩門
云上清童子岑問曰衣服皆輕細何士所出答云此上
清五銖服又問曰此聞六銖者天人衣何五銖之異答
云尤細者則五銖也洞冥記東方朔曰臣過萬林之野
獲九色鳳雛張如哉曰九子鸞雛闕玉釵見青門曲
莊子肌膚若冰雪南史東昏侯紀潘氏乘小輿宮人
皆露禪著絲絲屨侍兒見老妓行春被襖見畫蘭曲
岑參詩紅牙鏤馬對擣蒲眞誥北元中元道君太保王
郎李靈飛之小妹溫飛卿詩景陽粧罷瓊窓暖
柳文暢詩日暖江南春我群芳譜有張莒紫宸殿

前櫻桃樹賦似非此詩所指或泛舉賦櫻桃詩者耳
傅武仲羽扇賦搖輕箑以致涼蛺蝶圖見宮扇
忽聽黃鶯歛翠蛾又養在深閨人不識
書札神仙傳王方平遣人召麻姑曰王方平敬報久不
到民間今來在此想姑能暫來語否顧逋翁詩近得麻
姑書信否張如哉曰札問麻姑含滄桑之感卽序中湖
山非
故意

董以寧字文友卞元文過毘陵寓吳氏水閣因次梅
村韻畫堂燕子正初雛荔子紅衫映雪膚細語淺斟
銀鑿落迎涼閒賭玉擲菰闌中筆陣留書札鏡裏眉
峰是畫圖縱有篴篴聽不得青溪愁絕蔣家姑宗元
鼎字定九和卞元文百柳園對雪卽看小韞妹學畫
懸思風雪際嬌怯應難支倚檻憐衣薄攀梅倩妹持
茗香消旅况筆墨是心知無那園中絮飄如二月時
張如哉曰梅村詩紅牙小妹當卽是此詩所云小韞
妹也而貽上題卞篆生書扇亦云諸妹天人揔未如
或小韞妹卽篆生與抑篆生卽元文與俟考又曰梅

村又有瑜芬侍兒詩不言姓卞而萬年少則有贈卞
瑜芳詩豈瑜芳瑜芬亦姊妹與抑芬芳實一人與俟
考

其四

石城楊柳碧城鸞謝女詩篇張女彈鸚鵡歌調銀管細
琅玕字刻玉釵寒雙聲宛轉連珠格八體濃纖倒薤看

閒整筆牀攤素卷棠梨花發倚闌干

此首亦寫咏字爲
多與其二同妙

張如哉曰歌調承張女彈字刻承謝女詩宛轉承歌調
濃纖承字刻逐句分承說下銀管是簫管之管玉釵謂
字體也○古樂府莫愁在何處莫愁石城西又曹山白
門前楊柳可藏鳥李義山碧城詩女牀無樹不棲鸞
晉書列女傳雪驟下謝安曰何所似也道韞曰未若柳
絮因風起潘安仁笙賦輟張女之哀彈文選註蓋古曲

未詳所起採蘭雜志河間王琛有妓曰朝雲善歌又
有綠鸚鵡善語朝雲每歌鸚鵡和之聲若出一珠愛之
號爲綠朝雲托夢瑣言湘東王筆有三品德行精粹者
用銀筆書之琅玕見讚佛詩其三司馬長卿美人賦
玉釵挂臣冠法書苑顏魯公與懷素同學書于鄔兵曹
或問曰張長史見公孫大娘舞劍器始得低昂回翔之
狀兵曹有之乎懷素以古釵脚對爾史謝莊傳王元
謨問何者爲雙聲何者爲疊韻答曰互護爲雙聲礪礪
爲疊韻宛轉見七夕卽事文選演連珠註所謂連珠者
與于漢章之世班固賈逵傳教三子受詔作之北史
江式傳秦有八體一曰大篆二曰小篆三曰符書四曰
蟲書五曰摹印六曰署書七曰殳書八曰隸書洛神賦
穠纖得中王諸文字志倒薤書者垂支濃直若薤葉也
樹萱錄梁簡文製筆牀以四管爲一牀劉越石詩素
卷莫啓幄無談賓羣芳譜棠梨野梨也季嘉
祐詩野棠自發空流水季詩沉香亭北倚闌干
張如哉曰石城在楚地後人誤以金陵之石頭城爲
石城因傳三山門外有莫愁湖洪容齋隨筆已辨之

矣此詩用石城楊柳亦以石頭城爲石城也

海市四首

原註次張石平觀察韻 三齊記畧海

上蜃氣時結樓臺名海市書影海市有偶一見之四明者有見之漳州者蓋不獨登州爲然近子烟張石平少叅見于剡吳梅村諸公皆有詩紀之

仙人太乙祀東萊不信蓬瀛此地開虹跨斷崖通羽蓋

魚吞倒影出樓臺碧城烟合青葱樹赤岸霞蒸絳雪堆

聞道秦皇近南幸舳艫千里射蛟回

四首變化離奇雅與題稱雖非梅村

極筆然他人正自難到 史記封禪書天神貴者太乙

又公孫卿言見神人東萊山若云欲見天子遂至東萊宿留之 又自威宣燕昭使人入海求蓬萊方丈瀛洲

劉子儀詩虹跨屋臺晚陸魯望詩蒼翠無言空斷崖

東京賦羽蓋葳蕤 魏仲先詩洗硯魚吞墨漢書郊祀志遙興輕舉登遐倒景史記天官書海旁蜃氣象樓臺碧城見前首梁簡文帝詩溶溶紫烟合青葱見行路難注 魏志陳思王傳南極赤岸東臨滄海劉伯溫詩日炙霞蒸似錦紅漢武內傳仙家上藥有元霜絳雪史記秦始皇紀始皇出遊望于南海方士徐市等入海求神藥數歲不得乃詐曰爲大鯨魚所苦故不得至願請善射與俱乃令入海者賁捕巨魚具而自以連弩候大魚出射之 漢書武帝紀南巡狩自尋陽浮江親射蛟江中獲之舳艫千里張如哉曰此合用秦皇漢武事

其二

灝氣空濛萬象來非烟非霧化人裁仙家困爲休糧閉河伯宮因娶婦開金馬衣冠蒼水使石鯨風雨濯龍臺鑿空博望頻回首天漢乘槎未易才 中四對仗極工○灝氣見縹緲峯補

註杜詩空濛辨魚艇萬象見鑿清湖史記天官書若烟非烟若雲非雲郁郁紛紛蕭索輪囷是謂卿雲列子周穆王時西極之國有化人來王執化人之祛騰而上者中天乃止仙家因見石公山杜彥之詩自言因病學休糧河伯娶婦見再觀打水金馬見洗象圖吳越春秋禹登衡嶽夢見赤繡衣男子自稱蒼水使者曰聞帝使文命于此故來候之西京雜記昆明池刻王石爲鯨魚每至雷雨常鳴吼鬣尾皆動濯龍臺見海戶曲漢書張騫傳封騫爲博望侯然騫鑿空天漢見織女荆楚歲時記漢武帝令張騫使大夏尋河源乘槎經月而至一處有城郭狀宮中有織婦見一丈夫牽牛渚次飲之還問君平曰某年某月客星犯牽牛宿正此人到天河時也晉書王珣傳王掾當作黑頭公皆未易才也

其三

東南天地望中收神鬼蒼茫百尺樓秦時長松移絕島

梁園修竹隱滄洲雲如車蓋旌旗繞峯近香爐烟靄浮

却笑燕齊迂怪士祇知碣石有丹邱

對仗既齊聲響尤壯較前兩首更覺

一氣貫注○杜詩飄泊西南天地間

蒼茫見歸雲洞

三國志陳登傳劉備曰欲卧百尺樓上

史記封禪書

秦襄公作西時文公作廊時宣公作密時靈公作吳陽

上時祭黃帝作下時祭炎帝獻公作畦時戰國策墨子

曰荆有長松文梓杜詩絕島容烟霧圖經梁孝王有

修竹園南史袁粲傳嘗作五言詩言訪迹雖中宇循寄

乃滄洲蓋其志也魏文帝詩西北有浮雲亭亭如車

蓋王詩青山盡是朱旗繞香爐峯見園園序張文昌

詩關于宿靄浮封禪書海上燕齊迂怪之方士碣

石見東萊行楚辭仍羽人于丹邱兮留不死之舊鄉

其四

激浪崩雲壓五湖天風吹斷海城孤千門聽擊馮夷鼓

六博看投玉女壺蒲類草荒春徒帳滄溟月冷夜探珠

誰知曼衍魚龍戲翠蓋金支滿具區

後半首更爲入妙非梅村不能○元

詩激浪誠難派木元虛海賦崩雲泄雨淙淙汨汨

波浪飛灑似雲之崩五湖見贈雪航天風見彈琴歌

岑參詩北風吹斷天山草蘇詩環觀海嶽城更記武

帝紀作建章宮度爲千門萬戶馮夷見二十五日詩洛

神賦馮夷擊鼓史記滑稽傳六博投壺相引爲曹神

異經東荒山中有大石室東王公居焉恒與一玉女投

壺張見贖詩已見玉女笑投壺復睹仙童欣六博漢

書宣帝紀註蒲類匈奴中海名在燉煌北李頎詩故園

寒草荒按徒帳謂逐水草移徙也漢武內傳諸仙玉

女聚居滄溟薛元卿詩月冷疑秋夜李詩沉泉笑探珠

張如哉日用李義山滄海月明珠有淚漢書西域傳

贊極漫衍魚龍角抵之戲注漫衍者卽張衡西京賦所

云巨獸百尋是爲漫延者也魚龍者舍利之獸先戲于

庭極畢乃入殿前激水化成比目魚跳躍激水作霧障

日畢化成黃龍八丈出水散戲於庭炫耀日光西京賦
云海鱗變而成龍卽爲此色也

淮南子遊於江溔海

裔馳要褭建翠蓋杜詩金支
翠旗光有無具區見退谷歌

別丁飛濤兄弟

國朝詩別裁集丁澎字飛濤浙
江仁和人順治乙未進士官禮部

郎中有扶荔堂集林熙菴丁葯園外傳詩風古
文辭名播江左其後仲弟景鴻季弟霖皆以詩

名世目之

曰三丁

把君詩卷過扁舟置酒離亭感舊游三陸雲間空想像

二丁鄴下自風流湖山意氣歸詞苑兄弟文章入選樓

爲道故人相送遠藕花蕭瑟野塘秋

起結寫別字中四
切飛濤兄弟○白

詩把君詩卷燈前讀

陳伯玉詩秋日隱離亭舊游見

虎邱圖

三陸見贈吳錦雲間見哭志衍想像見西

田詩〔魏志陳思王植傳注〕丁儀字正禮沛郡人也與字敬禮儀之弟也〔元裕之詩〕鄴下風流在晉多〔意氣〕見蕩子行詞苑見呈李太虛〔一統志〕文選樓在揚州府治東南相傳梁昭明太子撰文選于此〔張文昌詩〕秋風白藕花〔白詩〕野塘水邊畸岸側

贈馮子淵總戎

〔江南通志〕鎮守江南江北狼山總兵官馮武卿浙江人順治八年任

岑參詩登

壇近總戎

令公專閫擁旌旄鵬鶚秋風賜錦袍十二銀箏歌朽藥

三千練甲醉葡萄若耶溪劍凝寒水秦望樓船壓怒濤

自是相門雙戟重野王父子行能高

〔投贈之什後半篇〕意更周匝〔○令公〕

〔見西田賞菊〕〔史記馮唐傳〕閫以外者將軍制之擁旌見送杜嶸武註〔杜詩〕鵬鶚在秋天〔王少伯詩〕簾外春寒

賜錦袍傳休奕箏賦絃柱十二擬十二月銀箏見畫
蘭曲詩惟士與女伊其相謔贈之以勺藥三千練里
見再觀打水漢書西域傳大宛左右以葡萄爲酒若
耶溪劍見行路難越絕書欲知泰阿觀其鈇巍巍翼翼
如流水之波一統志秦望山在紹興府會稽縣東南
秦始皇登之以望南海樓船見臨頓兒孟貫詩江上秋
風捲怒濤史記孟嘗君傳相門有相將門有將唐書
襄城公主傳門列雙戟而已漢書馮奉世傳字子明
上黨潞人也長子譚譚弟野王野王字君卿上使尚書
選第中二千石而野王行能第一又杜欽素高野王父
子行能

按明史宰輔表天啓間馮氏入相者止銓一人而元
颺傳故與馮銓通譜詛元颺慈溪人相門雙戟子淵
蓋其子姓
歟侯考

丁亥之秋王烟客招予西田賞菊踰月蒼雪師亦

至今年予既卧病同遊者多以事阻追叙舊約為

之慨然因賦此詩

丁亥順治四年孟詩北憲猶臥病

露白霜高九月天匡牀卧疾憶西田黃雞紫蟹堪攜酒

紅樹青山好放船杭稻將登農父喜茱萸徧插故人憐

舊游多病難重省記別蒼公又二年

從今年起以丁亥結便覺通首俱是

追叙舊約也紅樹句可作摘句圖○詩白露為霜醉翁

亭記風霜高潔匡牀見贈願雲師季詩黃雞啄黍

秋正肥羅昭諫詩盈盤紫蟹千巵酒許仲晦詩紅葉

青山水急流放船見鴛湖曲杭稻見閬園詩王詩徧插茱萸少一人舊游見虎邱夜集圖杜詩多病也身輕友人齋說餅槃悅巵談友人齋說餅之為張氏園吳叔庠餅說臣當此景惟能說餅

舍北溪南樹影斜主人留客醉黃花水邊非川淘槐葉

蜜餌寧關煮蕨芽閣老膏環常對酒微君寒具好烹茶

食經二事皆堪註休說公羊賣餅家

從友人齋起餘皆說餅○杜詩舍南

舍北皆春水又白馬江寒樹影稀

季詩但使主人能

醉客黃花見東臯歌

詩釋之叟叟釋文叟叟淘米聲

也唐六典

太官令掌供膳之事夏月加冷淘粉粥杜有

提葉冷淘詩

楚辭秬救蜜餌有飯餽些注秬救以蜜

和米麪煎作之陸務觀詩山童新採蕨芽肥

唐書楊

綰傳中書舍人年久者為閣老國史補宰相相呼為堂

老兩省相呼為閣老齊民要術膏環一名秬救屈令兩

頭相就膏油煮之

徵君見九峯草堂歌續晉陽秋桓

元好畬書畫客至嘗出而觀之客食寒具油污其畫後

遂不復設寒具

集韻寒具環餅也宣和畫譜周昉寓意

丹青有烹茶圖

食經見蛤蜊周禮內宰使各有屬以

作二事此借用

三國志裴潛傳注鍾繇不好公羊而

好左氏謂左氏爲太官而謂公羊爲賣餅家

良齋雜說陳眉公每事好製新樣人輒效法猶宋人之號東坡巾也其所坐椅曰眉公椅所製衣曰眉公布所說餅曰眉公餅按徵君句應指眉公不知閣老爲誰耳阮紫坪曰近姑蘇市中有製餅者名太師餅又名瑤泉餅相傳中瑤泉相公最嗜此物因以得名詩中第五句疑指此程迂亭曰此詩成於張石公園中石公大司空張輔之孫園卽學山園也今太倉市有太師餅眉公膏相傳出自王荆石陳仲醇家見鎮洋縣志

贈李弢居御史

原註督學江南程迂亭曰李嵩陽字元珮號峩居王夏日錄嵩陽

河南封邱人庚午舉人順治六年督學江南

中條山色絳帷開宛雒春風桃李栽地近石經緣虎觀

家傳漆簡本蘭臺花飛驛路生徒滿潮落江城鐘磬來

置酒一帆黃浦月登臨早訪陸機才

起二句似裴居曾司鐸于晉豫間者

俟考三句裴居故里四句御史後半首督學江南也○

一統志中條山在解州南山狹而長西華嶽東太行此山居中故曰中條絳帷見贈馮訥生注

古詩游戲宛

與雜事文類聚狄仁傑嘗薦姚崇桓彥範敬暉數人率爲名臣或謂仁傑曰天下桃李盡在公門

石經虎觀

見送子儼青瑯

漆簡見遣問漆經注蘭臺見送龔孝

升
杜詩岸花飛送客柳子厚詩驛路看花處處新生

徒見壽王鑑明

潮落見贈吳錦雯李詩江城含變態

鐘磬見贈願雲師

一帆見塗松晚發明統志黃浦在松江府城東南一十八里

見茸

城行

穆大苑先卧病桐廬初歸喜贈

按梅村贈穆苑先詩兵火桐江遇故

人釣臺長嘯凌千尺指正在桐廬時又云失脚
倒墮烏犍牛偶來帝鄉折左臂則指桐廬言歸
又往確山之時非此時之卧病也又送穆苑先
南還四首是梅村赴召後在京而送之
者此詩編在過淮諸首以前則
在梅村未赴召之先矣

富春山下趨歸風客病孤舟夜雨中千里故園惟舊友

十年同學半衰翁藥爐媿我形容槁腹尺輸君飲噉工

却向清秋共消損一尊無恙笑顏紅

首句自桐廬歸次句卧病初歸也三

四交誼後半寫出喜字○富春見讀西臺記王詩漾舟
信歸風杜詩老病有孤舟許仲晦詩舊友北來頻

梅村苑先墓誌就苑先齋中讀書同時遊處者四人

衰翁見贈杜退之張文昌詩掃酒書室試藥鑪楚辭

形容枯槁三國志荀彧傳註禰衡見荀有腹尺因答

曰文若可借而弔喪稚長可使監厨請客其意以爲苟

但有貌趙健啖肉也宋書始安王休仁傳休仁第飲噉
極日清秋見贈家侍御子建請招降江東表銷損天
日無益聖朝沈休文詩勿言一尊酒無恙
見下相懷古李詩一食駐元髮再食留紅顏

壽陸孟鳧七十

原註陸為潯州司李藤峽在潯州
常熟有桃源澗蘇州府志陸銑

字孟鳧常熟人崇禎四年歲貢生養利州知州
一統志潯州府在廣西布政司西南九百五十
里大藤峽在潯州府桂平縣西北六十里蘇州
府志虞山普仁禪院東有天潭谷下為桃源澗

楓葉蘆花霜滿林江湖蕭瑟暮毛侵書生藤峽功名薄

漁父桃源歲月深八市蹇驢晨賣藥閉門殘酒夜橫琴

舊游烽火天涯夢銅鼓山高急暮砧首句紀時次句暗
寫壽字而江湖蕭

瑟引起下文三句遊宦之地四句歸隱之所薄字深字
卽蕭瑟意五六俱就歸隱說七八回映遊宦也○百詩

楓葉蘆花秋瑟瑟霜林見送孫令修杜詩更憶髯毛
斑書生見壽龔芝麓明史韓雍傳雍曰當全師直搗
大藤峽峽有大藤如虹橫且兩厓間雍斧斷之改名斷
藤峽勒石紀功而還按此句暗用之陸士衡詩但恨功
名薄漁父莊子篇名淵明有桃花源記此借用陸樹
聲字與吉詩家住烟蘿日月深蹇驢見雪中遇獵神
仙傳壺公者人市賣藥口不二價陸士衡詩甕餘殘
酒勝有橫琴舊游見虎邱夜集圖烽火見閬州行天
涯見送何省齋一統志引寰宇記象州有銅鼓山下
有銅鼓灘方輿勝覽在武仙縣西十里武仙故城在今
潯州府武宣縣東又銅鼓嶺在潯州府
貴縣南五十里杜詩白帝城高急暮砧

其二

講授山泉遶戶庭
芋翁無事爲中冷
偶支鶴俸分魚俸
閒點茶經補水經
千里程鄉浮大白
一官勾漏養空青

歸來松菊荒涼甚買得雙峰縛草亭

太白空青對偶清
新○漢書夏侯勝

傳勝每講授易山下出泉蒙又不出戶庭无咎唐書

陸羽傳隱茗溪自稱桑苧翁群芳譜引歐陽永叔曰世

傳陸羽茶經其論水曰山水上江水次井水下至張又

新爲煎茶水記始云劉伯芻以揚子江爲第一主貽上

古夫子亭維錄唐劉伯芻品水以中泠爲第一惠山虎

邱次之按此是芻翁未嘗切指中泠也一統志中泠泉

在鎮江府丹徒縣西北金山下大江至金山分爲三瀘

亦曰三泠此居其中墨莊漫錄皮日休新秋卽事詩

云酒坊吏到常先見鶴俸符來每探支鶴俸之說曾丈

彥和有西齋自遣詩云寧羨一囊供鶴料注云唐幕府

官俸謂之鶴料彥和用事必有所據茶經見西田詩

陸羽水經見甘五日詩注于里程鄉見園圖序浮白

見哭志衍一官見哭志衍勾漏見壽龔芝麓本草空

青生益州山谷及越嶠山有銅處銅精薰則生空青其

腹中空能化銅錢鉛錫作金松菊見九峯歌北山移

文石逕荒涼徒延佇庾詩熊耳對雙峯草亭見送沈

友聖

壽申少司農青門六十

明史申時行傳中極殿大學士孫紹芳進士戶部左

侍郎蘇州府志紹芳字維烈通考司農官名秦曰治粟內史漢景帝更名大司農

相門三戟勝通侯兄弟衣冠盡貴游白下高名推謝朓

黃初耆德重楊彪于山極目風塵暗一老狂歌天地秋

還憶淮淝開制府江聲吹角古揚州

櫟括青門一生三四更爲工妙○唐

書崔琳傳世號三戟崔家通侯見楚雨生序貴游見

贈陸生稱村中少觀壽序余初筮仕得交于鄉先達申

大司馬及其弟大叅大叅有九子青門是長兄官比部

其季弟曰進士維久六朝事迹白下本江乘之白石

壘唐武德元年罷金陵縣築城於此因其舊名曰白下

一統志白下故城在上元縣北南史謝朓傳字元暉少

好學有美名陳郡陽夏人魏書黃初二年公卿朝朔旦并引故漢太尉楊彪待以客禮書遠耆德干山見
贈願雲師極目見蕩子行風塵見哭志衍詩不憖遺
一老狂歌見鐵崖墓永經淮水東過壽春縣北肥水
從縣東北流注之一統志壽春故城今鳳陽府壽州治
字典肥本作肥明史職官志總督漕運兼提督軍務巡撫鳳陽等處兼管河道一員景泰二年因兼巡撫淮陽
廬鳳四府徐和滁三州治淮安按明職官志總督初稱
提督軍務嘉靖七年改爲總制十九年避制字改爲總
督制府之稱蓋由此與江聲見送苑先吹角見松山
哀揚州見閬州行申少觀壽序青門早達滄歷
名藩開府揚州垂紳揭節兄弟中至光顯矣

其二

脫却朝衫上釣船餘生投老白雲邊買山向乞分司俸
餉客還存博士錢世事烟霞娛晚歲黨人名字付殘編

扁舟百斛烏程酒散髮江湖任醉眠

此首點入壽字如鴻爪點雪○脫朝

衫見壽龔芝麓

餘生見送周子叔投老見西田詩

賈山見東萊行白詩莫求致仕具分司

玉篇餉饋也

按博士錢用退之進學解三年博士及月費俸錢句

王詩世事浮雲何足問烟霞見讀西臺記晚歲見贈吳

雪航

後漢書黨錮傳論黨人之議由此始矣殘編見

送何省齋

李長吉詩鱸魚千頭酒百斛烏程酒見閬

園序

後漢書袁閎傳遂散髮

絕世晉書阮籍傳方據案醉眠

宴孫孝若山樓賦贈

孝若見吾谷行注

千章喬木俯晴川高閣登臨雨後天明月笙歌紅燭院

春山書畫綠楊船郤超好客真名士蘇晉翻經正少年

最是風流揮玉麈烟霞勝處着神仙

起結切定山樓三四宴時之景後半

贊美孝若而宴字自在其中○千章見海戶曲張子壽

詩烟靄遶晴川岑參詩高閣逼諸天登臨近日邊王

詩空山新雨後白詩笙歌歸院宇柳子厚詩席上燒

紅燭春山見題河渚圖書畫船見九友歌注綠楊見

避亂晉書郗超傳字景興一字嘉賓凡所交友皆一

時美秀寒門後進亦授而友之史記孟嘗君傳馮驩聞

孟嘗君好客名士見維夏北行杜飲中八仙歌蘇晉

長齋繡佛前醉中往往愛逃禪宗之瀟酒美少年翻經

見代具師答揮塵見後東臯歌注晉書

王恭傳孟昶窺見之嘆曰此真神仙中人也

琴河感舊并序

楓林霜信放棹琴河忽聞秦淮下生簪賽到自

白下適逢紅葉余因客座偶話舊游主人命犢

車以迎來持羽觴而待至停驂初報傳語更衣

已託病瘧遷延不出知其憔悴自傷亦將委身

於人矣

〔一統志〕琴川在蘇州府昭文縣治縣治前後橫港凡七若琴絃然昭文與常熟

同城感舊見遇南廂園叟〔王京傳〕有傳其復東下者主于海虞一故人生偶過焉尚書某公者張具請爲生必致之衆客皆停杯不御已報曰至矣有頃迴車入內宅屢呼之終不肯出生悒悒自失殆不能爲情歸賦四詩以告絕〔王少伯詩〕孤舟微月對楓林霜信見宿破山寺〔嵇叔夜詩〕放櫂投竿秦淮見玉京墓續本事詩袁宏道中郎有傷周生詩自注吳人呼妓爲生白下見壽中青門〔杜牧之詩〕霜葉紅於二月花〔按〕此句兼用太平廣記方知紅葉是良媒〔魏志〕王粲傳賓客盈座舊游見虎邱圖犢車見彈琴歌〔漢書〕班婕妤傳酌飛羽觴兮銷憂停驂見送友聖〔更記〕外戚世家是日武帝起更衣子夫侍尚衣軒中得幸〔左傳〕昭二

十年齊侯疾遂疢玉篇疢瘡疾也神女賦遷延引身不可親附百琵琶行序委身為商人

婦予本恨人傷心往事江頭燕子舊壘都非山

上蘼蕪故人安在久絕鉛華之夢况當播落之

辰相遇則唯看楊柳我亦何堪為別已屢見櫻

桃君還未嫁聽琵琶而不響隔團扇以猶憐能

無杜秋之感江州之泣也漫賦四章以誌其事

恨賦於是僕本恨人往事見野望李嘉祐

詩江燕初歸不見人舊壘見白燕吟蘼蕪鉛

華並見玉京墓搖落見讚佛詩枯樹賦桓

大司馬聞而嘆曰昔年移柳依依漢南今看搖

落悽愴江潭樹猶如此人何以堪李詩別來

幾春未還家玉窓五見櫻桃花羅昭諫贈雲

英詩我未成名君未嫁可能俱是不如人
詩我聞琵琶已嘆息晉書樂志團扇歌者中書令王珉與嫂婢有情婢素善歌而珉好捉白團扇故制此歌杜秋見老妓行白琵琶行就中泣下誰最多江州司馬青衫濕

白門楊柳好藏鴉誰道扁舟蕩槳斜金屋雲深吾谷樹

玉杯春暖尚湖花見來學避低團扇近處疑嗔響鈿車

却悔石城吹笛夜青驄容易別盧家

此首是因客座話舊遊也吾谷尚湖

暗寫主人其為孝若兄弟與詩格亦仿義山張如哉曰五六是憤車迎來羽觴待至也學避疑嗔已逗不出意○古樂府暫出白門前楊柳可藏鳥陸魯望詩本是吳吟蕩樂郎漢武故事帝笑曰若得阿嬌當以金屋貯之吾谷見吾谷行謝元暉詩渠碗送佳人玉杯邀上客謝靈運詩含悲忘春暖一統志尚湖在常熟縣西

南四里 團扇見序 鈿車石城見西冷閨咏吹笛見
嘲周子叔 古樂府郎騎青驄馬東方曼倩非有先生
論談何容易南畿志莫愁湖在三
山門外有妓盧莫愁家湖上故名

其二

油壁迎來是舊游尊前不出背花愁緣知薄倖逢應恨
恰便多情喚却羞故向閑人偷玉筍浪傳好語到銀鉤

五陵年少催歸去隔斷紅墻十二樓

此首是命犢車以迎來遷延不出也

中四句曲折濃至○油壁見玉京墓

尊前見老妓行

杜牧之詩贏得青樓薄倖名

又多情恰似總無情

張如哉曰喚字本白詩千呼萬喚却羞本會真詩爲郎

憔悴却羞郎 玉筍見永和宮詞 杜詩將詩莫浪傳

薛元卿詩布字改銀鉤 白詩五陵年少爭纏頭韓詩

催歸日未西 季義山詩本來銀漢是紅墻隔得盧家

白玉堂漢書郊祀志方士有言黃帝時爲五城十二樓以候神人

張如哉曰唐女道士李冶詩莫怪闌干垂玉箸只因惆悵對銀鈎玉箸謂淚銀鈎謂書故向閒人偷玉箸卽序中之已托病牀浪傳好語到銀鈎卽序中之傳語更衣也

其三

休將消息恨層城猶有羅敷未嫁情車過捲簾勞悵望

夢來攜袖費逢迎青山憔悴卿憐我

張如哉曰紅粉飄山應作衫

零我憶卿記得橫塘秋夜好玉釵恩重是前生

此首是江頭燕

子舊壘都非山上蘼蕪故人安在也逼真義山手筆○

李義山詩傾城消息隔重簾楚辭增城九重其高幾里

注增同層李後主詩層城無復見嬌姿否樂府羅敷自有夫張文昌節婦吟君知妾有夫又恨不相逢未嫁

時本事詩韓翃少負才名天寶末舉進士隣有李將
妓柳氏李每邀韓同飲酒酣謂韓曰秀才當今名士柳
氏當今名色以名色配名士不亦可乎卒授之淄青節
度侯希逸奏爲從事以世方擾不敢以柳自隨置之都
下後翃隨希逸入朝尋訪不得已爲立功番將沙吒利
所劫寵之專房翃悵然不能割會入中書至于城東南
角逢犢車緩隨之車中問曰得非青州韓員外邪曰是
遂披簾曰某柳氏也失身沙吒利無從自脫明日尚此
路還願更一來取別明日如期而往犢車尋至車中投
一紅巾苞小合則實以香膏鳴咽言曰終身永訣車如
電逝韓不勝情爲之雪涕有虞侯將許俊年少被酒乃
急裝乘一馬牽一馬而馳逕趨沙吒利之第會吒利已
出卽以入口將軍墜馬且不救遣取柳夫人柳驚出卽
以韓叱示之挾上馬絕馳而去以柳氏授韓曰幸不辱
命謝元暉詩停驂君悵望李詩且留琥珀枕或有夢
來時携袖似用霍小玉事耳詳七言絕句夢鞋逢
迎兒揖山樓李義山詩看山對酒君思我聽鼓離城
我訪君王介甫詩青衫憔悴北歸來小青詩卿須憐我

我憐卿紅粉見贈李雲田飄零見遇劉雲舫橫塘

見圓圓曲李重規詩自有橫陳會應憐秋夜長司馬

長卿美人賦玉釵挂臣冠

智大師偈欲知前世因

其四

長向東風問畫蘭玉人微嘆倚闌干乍拋錦瑟描難就

小疊瓊牋墨未乾弱葉懶舒添午倦嫩芽嬌染怯春寒

書成粉筆憑誰寄多恐蕭郎不忍看玩此詩蓋玉京遷延不出因梅村索

其畫蘭而以畫扇見寄也中四句形容曲盡情思入妙

○玉京傳道人畫蘭好作風枝婀娜一落筆盡十餘紙

玉人見永和宮詞倚闌干見西泠閨詠李義山詩

錦瑟無端五十絃韓致光詩小疊紅箋書恨字修真

錢族雪道君有顯色天膏封以軟玉油箋劉夢得詩新

賜除書墨未乾謝偃高松賦紛弱葉以凝照陸務觀

詩午倦便高枕周美成詠茶詩荷葉颿深稱嫩芽錢端文詩芳心猶卷怯春寒揚子方言自闕而東謂之筵自闕而西謂之扇全唐詩話崔郊有婢既貧鬻於連帥郊思慕無已其婢因寒食來從事家值郊立於柳陰崔贈之以詩曰侯門一入深如海從此蕭郎是路人張正言詩多恐君王不忍看

辛卯元旦試筆

原註除夕再夢杏花按辛卯順治八年

十年車馬盛長安仙仗傳籌曙色寒禁苑名花開萬樹上林奇果賜千官春風紫燕低飛入曉日青驄緩轡看

舊事已非還入夢畫圖金粉碧闌干

此與友人譚遺事一首相似十年

舊事起結點睛莫認作熱中一流○岑參詩玉階仙仗擁千官王詩絳幘雞人報曉籌李長吉詩飛窓複道傳籌飲皇甫孝常詩曙色漸分雙闕下禁苑見退谷歌名花見咏山茶花上林見海戶曲後漢書桓榮傳詔

賜奇果受者皆懷之榮獨舉手捧之以拜王詩芙蓉閣下會千官顧逋翁詩紫燕西飛欲寄書曉日見謁張石平青驄見哭志行唐書崔湜傳緩轡諷詩百詩舊事思量在眼前薛陶臣詩絳節幾時還入夢金粉見送沈

釋堂

陳臥子詩禁苑起山名萬壽複宮
新戲號千秋三四清麗堪與爲偶

雜感

聞說朝廷罷上都中原民困尚難蘇雪深六月天圍塞
雨漲千村地入湖瀚海波濤飛戰艦禁城宮闕起浮圖
關山到處愁征調願賜三軍所過租雜感六首多咏時事此首述民困也
三
四
天災五六人事結句祝願之意元史世祖紀中
統四年升開平府爲上都宣鎮舊志元上都城在鎮城

東北七百里凡省院官署七十餘俱至元中所建明初俱廢按此則上都之罷已久與首句聞說字不合一統志宣化府元初爲宣寧府中統四年改宣德府屬上都路而宣化縣志順治八年裁宣府巡撫併于宣大總督兼理詩蓋以裁宣府巡撫爲罷上都非專指開平也時梅村尚在江南故云聞說耳（史記平原君傳民困兵盡書）後來其蘇（歐陽永叔詩六月雪飛灑石缸謝元暉詩）天圍靜且閑（馬虞臣詩）洪河雨漲出關遲千村見聞州行宣化縣志順治八年宣府大雨雹（史記匈奴傳）驃騎封於狼居胥山禪姑衍臨翰海而還（注）翰與瀚同（杜詩）波濤萬頃堆琉璃戰艦見茸城行（顧延年詩）朝駕守禁城劉越石詩顧瞻望宮闕浮圖見贈蒼雪關山見琵琶行後漢書杜詩傳舊制發兵皆以虎符其餘征調竹使而已（漢書文帝紀）其除田之租稅

其二

簫鼓中流進奉船司空停索導行錢八釐名繭盤花就

千繹奇文舞鳳旋袴褶射雕砂磧塞筐箱市馬玉門邊

秋風砧杵催刀尺江左無衣已七年

此首憂杼軸也三四寫製作之奇五

六見運用之廣結句點睛○漢武帝秋風辭汎樓船今濟汾河橫中流兮揚素波簫鼓鳴兮發棹歌舊唐書張

萬福傳德宗召萬福馳至過口立馬岸上發進奉船

司空見東萊行導行錢見馬草行吳都賦鄉貢八蠶

之絲注一歲八蠶繭出日南也唐太宗詩盤花卷燭紅

千繹奇文見織婦詞李巨山詩叢臺舞鳳驚袴褶

見琵琶行射雕見雪中遇獵砂磧見送杜牧武筐箱

見遇南廂園叟五代史四夷錄明宗時沿邊置場市馬

諸夷皆入市中國玉門見行路難古子夜秋歌佳人

理寒服萬結砧杵勞杜詩寒衣處處催刀尺江左見

送周子俶張青

蜀詩無衣無褐

此詩即七古內

織婦詞之意

其三

居庸千尺薊門低八部雲屯散馬蹄日表土中通極北

河源天上接安西金城將吏耕黃犢玉壘山川祭碧雞

世會適逢須粉飾十年辛苦厭征聲

此首紀遠略也起結皆偃武之意中

四句測日窮河屯田祠祀想見規模之遠○後漢書光

武紀注上谷郡居庸縣有關一統志居庸關在昌平州

西北去延慶州五十里千道志居庸關亦名薊門關

後漢書南匈奴傳建武二十四年春八部大人共議立

比爲呼韓邪單于以其大父嘗依漢得安故欲襲其號

於是款五原塞願永爲蕃蔽哀江南賦冀馬雲屯馬蹄

見行路難後漢書律歷志以比日表以管萬事書召

詔王來紹上帝自服于土中蔡注洛邑天地之中故謂

之土中周禮以土圭之法測土深正日影以求地中鄭

注土圭之長尺有五寸以夏至之日立八尺之表其景

適與土圭等謂之地中晉書天文志天形南高而北下
日出高故見日入下故不見天之居如倚蓋故極在人
北是其證也極在天之中而今在人北所以知天之形
如倚蓋也漢書張騫傳漢使窮河源李詩黃河之水
天上來舊唐書安西都護府貞觀末置於西州顯慶二
年移府理高昌故地三年又徙治龜茲國金城見贈
吳雪航將吏見翠峯寺遇友黃憤見西田詩玉壘見
燕窩碧雞見洗象圖文中子謂仲長子光曰山林可
居乎曰會逢其適也焉知其可莊子爲丹青則藻繪王
猷粉飾治具辛苦見遇劉雪舫杜詩不意書生耳臨
衰厭鼓輦

其四

急峽天風捲怒濤穿雲棧石度秋毫雞豚絕壁人烟少
珠玉空江鬼哭高縱火千村驅草木齎糧百日棄弓刀

綿州却報傳烽緊峒戶溪丁轉戰勞此首單指征蜀之事○杜詩高江急

峽雷霆闕天風見彈琴歌怒濤見贈馮子淵雲棧見

行路難杜詩碣石小秋毫隋書豆盧勣傳其山絕壁

千尋李詩不與秦塞通人烟按潼川府中江縣有鄠

江一名玉江又蓬溪縣有珠玉溪然詩意只泛言耳觀

上句可見陸魯望詩空江波浪黑鬼哭見閬州行漢

書李陵傳鹵從上風縱火千村見閬州行晉書苻堅載

記北望八公山草木皆類人形史記吳起傳親裏齋

糧與士卒同甘苦弓刀見避亂一統志綿州在四川

布政司東北七十里虞伯玉詩稱使不傳烽許仲晦

詩峒丁多斲石杜詩水散巴渝下五溪轉戰見讀史雜

詩其

四

一統志順治八年吳三桂握重兵屯保寧久無功四

川巡撫郝浴劾其縱兵剽掠包藏異志未幾東西川

俱陷三桂棄保寧退走綿州浴聞警一晝夜七馳檄

邀三桂還賊薄保寧勢張甚浴以忠義激發將士與

賊戰遂大破之卽密陳三桂跋扈狀此詩前四句言川被寇禍而三桂無功五六寫三桂驕懦之狀第七句刺其棄保寧而掠綿州第八句以轉戰之勞歸之峒戶溪丁正是爲三桂作斧鉞之筆也汪鈍菴郝公墓誌順治中吳三桂等入川奉詔統東西兩路兵駐劄川南以圖進取定州郝公以御史巡按川中三桂方挾王爵驕橫日甚而部下尤淫殺不法三桂銜公旣而東西兩路兵俱爲賊所敗三桂等遁至綿州公適監省試于保寧賊劉文秀前鋒且抵城下保寧士民洵懼因遣使飛檄走邀三桂等赴揀責以大義謂不死于賊必死于法三桂等不得已始自綿州至按此詩末二句正刺其在綿州淫掠之事見其肆毒于溪峒也當與卽事第十首參看

其五

武安席上見雙鬟血淚青娥陷賊還只爲君親來故國

不因女子下雄關取兵遼海哥舒翰得婦江南謝阿蠻

快馬健兒無限恨天教紅粉定燕山

此首亦咏吳逆詳圖圓曲三四句若

爲吳逆分辦者正是斧鉞之筆也未句斷定卽全家白骨成灰土一代紅粧照汗青之意○武安見老妓行白

詩窈窕雙鬟女

血淚見閬州行青娥見老妓行

關見松山哀

遼海見咏山茶序唐書哥舒翰傳其先

蓋突騎施酋長哥舒部之裔祿山反守潼關一統志范

文程字憲斗漢軍鑲黃旗人順治元年大軍將征明文

程請嚴紀律秋毫無犯會吳三桂乞師召文程於湯泉

決策乘勢進兵

太真外傳新豐有女伶謝阿蠻善舞

凌波曲舊出入宮禁貴妃厚焉後上自成都還復幸華

清宮從官嬪御多非舊人上命阿蠻舞凌波曲舞罷上

凄然垂涕

釵小志

河間王侍兒朝雲善吹箎諸羌叛

王令朝雲假爲老嫗吹箎羌皆流涕復降語曰快馬健

兒不如老嫗吹箎古詩健兒須快馬

紅粉見贈李雲

田唐書薛仁貴傳將軍三箭定天山燕山見送龔孝升

按圓圓明史作陳沅又哥舒無取兵遼海事謝阿蠻
出自新豐非江南也蓋取兵遼海乃三桂之實事而
哥舒本降將軍故以爲比初嘉定伯周奎納圓圓於
椒庭侍周后側莊烈問所從來后對以茲女吳人且
善毘伎莊烈念國事不甚顧命遣還仍入周邸而三
桂得以爲婦故以阿蠻之女伶善舞出入宮禁爲比
耳 潘皆山曰鈕玉樵觚賸載圓圓事甚悉以爲吳
門名妓周嘉定伯營葬歸蘇以重貲購得之載而北
納于椒庭旋遣還仍歸周邸後乃獻之吳三桂陸雲
士圓圓傳則以爲玉峯歌妓三桂慕其名聘以千金
已先爲田畹所得繼乃贈吳毛西河後鑒錄云三桂
與戚畹田宏遇游觀所買金陵娼陳沅者而悅之請
聘以千金不許宏遇死始以千金買他姬易之諸說
小異此詩謂武安席上見雙鬟則吳逆真于田畹席
中見之矣第一以爲吳門人
一以爲金陵人未知孰是

其六

萬里從王擁節旄通侯青史姓名高禁垣遺直看封事

絕徼孤忠誓佩刀元祐黨碑藏北寺辟疆山墅記東臯

歸來畊石堂前夢書畫平生結聚勞此首咏瞿式耜詳東臯草堂歌前

半首括式耜全傳後半首記其軼事萬里歸來起結相應○邱希範與陳伯之書擁旄萬里何其壯也易或從

王事无成有終黃魯直詩西河擁節旄通侯見楚兩生序青史見遺問舊唐書權德輿傳直禁垣數旬始

歸左傳昭十四年叔向古之遺直也封事見贈吳雪航明史瞿式耜傳崇禎元年擢戶科給事中顏師古漢

書注徼猶塞也東北謂之塞西南謂之徼韓詩休垂絕徼千行淚孤忠見登數峯閣漢書蘇建傳武引佩刀自

刺明史瞿式耜傳順治三年九月大兵破汀州式耜與丁魁楚等議立由榔以十月十日監國肇慶進式

耜吏部右侍郎東閣大學士進文淵閣大學士兼兵部尚書桂林獲全封臨桂伯馬純陶朱新錄元祐姦黨

文臣曾仕執政官二十七人司馬光等曾仕待制官四十九人蘇軾等餘官一百七十七人秦觀等爲臣不忠曾仕宰臣二人王珪章惇胡翰書柳州元祐黨籍碑後宋蔡京立元祐黨籍碑於端禮門外以星變毀其後黨人子孫更以爲榮重摹刻之北寺見後東臯歌世說王子敬自會稽經吳聞顧辟疆有名園徑往其家韋端已詩謝公山有墅楚辭魂兮歸來耕石書畫見後東臯歌注

題王端士北歸草

梅村太倉十子詩序以王揆端士爲第二感舊集補傳端士號

芝廬順治乙未進士有壬辰北歸居楓橋別業詩

讀罷新詩萬感興夜深挑盡草堂燈玉河嗚咽聞嘶馬

金殿淒涼見按鷹南內舊人逢庚信北朝文士識崔陵

蹇驢風雪蘆溝道一慟昭陵恨未能

通首從北歸着筆三四耳聞目見自

當有好詩作出也五六比擬結句就未歸時言之波波更遠○新詩見楚兩生行謝靈運詩萬感盈朝昏杜詩夜深殿突兀挑燈見後東臯歌玉河見洗象畱鳴咽見琵琶行韓致光詩外使進應初得按中官過馬不教嘶江總持詩流泉灌金殿南內見永和宮詞書亦惟圖任舊人共政權載之祭李祭酒文光耀北朝唐書藝文志張鷟文士傳五十卷北齊書崔陵字長孺清河東武城人也歷覽羣書兼有詞藻劉夢得詩北朝文士重徐陵蹇驢見雪中遇獵蘆溝見鐵獅歌一慟見閬州行陸務觀詩孤忠無路哭昭陵

贈糧儲道步公

原註乾州人糧儲道見謁張石平陝西通志步文政乾州人副使

崇禎十六年進士一統志乾州在陝西布政司西北一百六十里

臨湘家世擁旌旄策馬西來劍珮高華嶽風雲開間氣
乾陵草木壯神臯山公盡職封章切蕭相憂時饋運勞

青史通侯餘事在江南重見舊人豪

從步字起西來字開下二句華嶽乾

陵切乾州正是西來也五句疑由吏部外轉者六句切

糧儲道餘事重見回應起處○吳志步騭傳字子山臨

淮淮陰人也赤烏九年代陸遜為丞相黃武二年封臨

湘侯掩旌旄見送杜牧武注鮑詩虛容還劍佩一

統志太華山在華州華陰縣南即西嶽也楚辭求問氣

之所由一統志唐高宗乾陵在乾州西北西京賦實

惟地之奧區神臯山公見鴛湖曲按漢書有露章此

用封章當如封事之封蕭相見退谷歌漢書蕭何傳

計戶轉漕給軍唐書鄭珣瑜傳珣瑜為河南尹韓全義

將兵伐蔡河南主運餽珣瑜密儲之陽翟以給官軍百

姓不知僦運勞青史通侯見雜感漢書叙傳著作

者前列之餘事人豪見行路難按二句跟步騭說